

Allelúia, allelúia. Panem cœli dedit eis, allelúia, allelúia. **V.** Panem Angelórum manducávit homo. Allelúia, allelúia. **G**ória Patri, et Fílio, et Spirítui sancto. Panem cœli dedit eis, allelúia, allelúia.

**V.** Cibávit illos ex ádipe fruménti, allelúia. **R.** Et de petra, melle saturávit eos, allelúia.

**V.** Dóminus vobíscum. **R.** Et cum spírítu tuo.

Orémus. **Oratio.**

**S**ANCTI nóminis tui, Dómine, timórem páriter et amórem fac nos habére perpétuum : quia numquam tua gubernatióne destítuís, quos in soliditáte tuæ dilectiÓNis instítuís. Per Dóminum nostrum... **R.** Amen.

**V.** Dóminus vobíscum. **R.** Et cum spírítu tuo.

**V.** Benedicámus Dómino. **R.** Deo grátias.

**V.** Fidélium ánimæ per misericórdiam Dei requiescant in pace. **R.** Amen.

AD SEXTAM.

**Capitulum. 1. Joann. 3.**

**I**N hoc cognóvimus charitátem Dei, quóniam ille ánimam suam pro nobis pósuit : et nos debémus pro frátribus ánimas pónere. **R.** Deo grátias.

**R. br.** Cibávit illos ex ádipe fruménti. **\* Allelúia, allelúia.** Cibávit illos ex ádipe fruménti, allelúia, allelúia. **V.** Et de petra, melle saturávit eos. Allelúia, allelúia. **G**loria Patri, et Fílio, et Spirítui sancto. Cibávit illos ex ádipe fruménti, allelúia, allelúia.

**V.** Edúcas panem de terra, allelúia. **R.** Et vinum lætíficet cor hóminis, allelúia.

**V.** Dóminus vobíscum. **R.** Et cum spírítu tuo.

Orémus. **Oratio.**

**S**ANCTI nóminis tui, Dómine, timórem páriter et amórem fac nos habére perpétuum : quia numquam tua gubernatióne de-

stítuis, quos in soliditáte tuæ dilectiónis instítuis. Per Dóminum nostrum... **R.** Amen.

**V.** Dóminus vobíscum. **R.** Et cum spírítu tuo.

**V.** Benedicámus Dómino. **R.** Deo grátias.

**V.** Fidélium ánimæ per misericórdiam Dei requiéscant in pace. **R.** Amen.

AD NONAM.

Capitulum. 1. Joann. 3.

**F**ILIOLI mei, Non diligámus verbo, neque lingua, sed ópere et veritáte. **R.** Deo grátias.

**R. br.** Edúcas panem de terra, \* Allelúia, allelúia. Edúcas panem de terra, allelúia, allelúia. **V.** Et vinum lætíficet cor hóminis. Allelúia, allelúia. **G**loria Patri, et Fílio, et Spírítui sancto. Edúcas panem de terra, allelúia, allelúia.

**V.** Pósuit fines tuos pacem, allelúia. **R.** Et ádipe fruménti sátiat te, allelúia.

**V.** Dóminus vobíscum. **R.** Et cum spírítu tuo.

Orémus. **Oratio.**

**S**ANCTI nóminis tui, Dómine, timórem páriter et amórem fac nos habére perpétuum : quia numquam tua gubernatióne destítuis, quos in soliditáte tuæ dilectiónis instítuis. Per Dóminum nostrum. **R.** Amen.

**V.** Dóminus vobíscum. **R.** Et cum spírítu tuo.

**V.** Benedicámus Dómino. **R.** Deo grátias.

**V.** Fidélium ánimæ per misericórdiam Dei requiéscant in pace. **R.** Amen.

AD VESPERAS.

Antiphonæ et Psalmi ut in die Festi, pag. 9.

Capitulum. 1. Joann. 3.

**C**HARISSIMI: Nolíte mirári, si odit vos mundus. Nos scimus quóniam transláti sumus de morte ad vitam, quóniam diligimus fratres. **R.** Deo grátias.

## Hymnus.

**P**ANGE, lingua, gloriósi  
 Córporis mystérium,  
 Sanguinísque pretiósi,  
 Quem in mundi prétium  
 Fructus ventris generósi  
 Rex effúdit géntium.

**N**obis datus, nobis natus  
 Ex intácta Vírgine,  
 Et in mundo conversátus,  
 Sparso verbi sémine,  
 Sui moras incolátus  
 Miro clausit órde.

**I**n suprémæ nocte cœnæ  
 Recúmbens cum frátribus,  
 Observáta lege plene  
 Cibis in legálibus,  
 Cibum turbæ duodénæ  
 Se dat suis má nibus.

**V**erbum caro, panem verum  
 Verbo carnem éfficít ;  
 Fitque sanguis Christi merum,  
 Et si sensus déficit,  
 Ad firmándum cor sincérum  
 Sola fides súfficit.

**T**antum ergo Sacraméntum

Venerémur cernui :  
 Et antíquum documéntum  
 Novo cedat rítui :  
 Præstet fides suppleméntum  
 Sénsuum deféctui.  
**G**enitóri, Genitóque  
 Laus et jubilátio,  
 Salus, honor, virtus quoque  
 Sit et benedictio :  
 Procedénti ab utróque  
 Compar sit laudátio.

Amen.

**ŷ.** Cibávit illos ex ádipe fru-  
 ménti, allelúia. **R.** Et de petra,  
 melle saturávit eos, allelúia.

**Ad Magnificat, Añã. Exi cito.**  
**Canticum B. Mariæ Virginis.**

*Luc. l.*

**M**AGNIFICAT \* ánima mea Dómi-  
 num.

Et exsultávit spíritus meus,\* in  
 Deo salutári meo.

Quia respéxit humilitátem an-  
 cillæ suæ : \* ecce enim ex hoc  
 beátam me dicent omnes genera-  
 tiónes.

Quia fecit mihi magna, qui potens est : \* et sanctum nomen ejus.

Et misericórdia ejus a progénie in progénies : \* tíméntibus eum.

Fecit poténtiam in bráchio suo : \* dispérsit supérbos mente cordis sui.

Depósuit poténtes de sede : \* et exaltávit húmiles.

Esuriéntes implévit bonis, \* et dívites dimísit inánes.

Suscépit Israel púerum suum, \* recordátus misericórdiæ suæ.

Sicut locútus est ad patres nostros, \* Abraham, et sémini ejus in sæcula.

Glória Patri. Sicut erat.

**Añã.** Exi cito in platéas et vicos civitátis : et páuperes ac débiles, cæcos et claudos compélle intráre, ut impleátur domus mea, allelúia.

**ŷ.** Dóminus vobíscum. **B.** Et cum spíritu tuo.

Orémus. **Oratio.**

**S**ANCTI nóminis tui, Dómine, tímórem páriter et amórem fac nos habére perpétuum : quia numquam tua gubernatióne destítuís, quos in soliditáte tuæ dilectiónis instítuís. Per Dóminum nostrum. **B.** Amen.

**Deinde fit commem. de Octava, Añã.** O sacrum convívium, in quo Christus súmitur : recólitur memória passiónis ejus : mens implétur grátia : et futúráe glóriæ nobis pignus datur, allelúia.

**ŷ.** Panem de cœlo præstitísti eis, allelúia. **B.** Omne delectaméntum in se habéntem, allelúia.

Orémus. **Oratio.**

**D**EUS, qui nobis sub Sacraménto admirábili, passiónis tuæ memóriam reliquisti : tribue, quæsumus, ita nos Córporis et Sanguinis tui sacra mystéria venerári : ut redemptiónis tuæ fructum in nobis júgiter sentiámus. Qui vivis et regnas cum Deo Patre in

unitate Spiritus sancti Deus, per omnia secula seculorum. *R.* Amen.

*V.* Dominus vobiscum. *R.* Et cum spiritu tuo.

*V.* Benedicamus Domino. *R.* Deo gratias.

*V.* Fidelium anime per misericordiam Dei requiescant in pace. *R.* Amen.

AD MISSAM.

*Introitus. Psalm. 17.*

**F**ACTUS est Dominus protector meus, et eduxit me in latitudinem: salvum me fecit, quoniam voluit me. *Ps. ibid.* Diligam te, Domine, virtus mea: Dominus firmamentum meum, et refugium meum, et liberator meus. *Glória Patri. Sicut erat. Factus est. Kyrie. et Glória in excelsis. 113.*

*V.* Dominus vobiscum.

*R.* Et cum spiritu tuo.

Orémus. *Oratio.*

**S**ANCTI nominis tui, Domine, timorem pariter et amorem fac

nos habere perpetuum: quia numquam tua gubernatione destituis, quos in soliditate tue dilectionis instituis. Per Dominum nostrum Jesum Christum Filium tuum qui tecum vivit, et regnat in unitate Spiritus sancti Deus, per omnia secula seculorum. *R.* Amen.

*Pro com. Oct. Corporis Christi.*

Orémus. *Oratio.*

**D**EUS, qui nobis sub Sacramento mirabili, passionis tue memoriam reliquisti: tribue quaesumus; ita nos Corporis et Sanguinis tui sacra mysteria venerari, ut redemptionis tue fructum in nobis iugiter sentiamus. Qui vivis et regnas cum Deo Patre in unitate Spiritus sancti Deus, per omnia secula seculorum. *R.* Amen.

Lectio Epistolae beati Joannis Apostoli.

**C**ARISSIMI, Nolite mirari, si odit vos mundus. Nos scimus quo-

niam transláti sumus de morte ad vitam, quóniam diligimus fratres. Qui non diligit, manet in morte: omnis qui odit fratrem suum, homicída est. Et scitis quóniam omnis homicída non habet vitam ætérnam in semetipso manéntem. In hoc cognóvimus caritátem Dei, quóniam ille ánimam suam pro nobis pósuit: et nos debémus pro frátribus ánnimas pónere. Qui habúerit substantíam hujus mundi, et viderit fratrem suum necessitátem habére, et cláuserit viscera sua ab eo; quómodo cháritas Dei manet in eo? Filioli mei, non diligámus verbo, neque lingua, sed ópere et veritáte. **R.** Deo grátias.

**Graduale.** Ad Dóminum cum tribulárer, clamávi, et exaudívit me. **V.** Dómine, libera ánimam meam a lábiis iníquis, et a lingua dolósa.

**A**llelúia, allelúia. **V.** Dómine

Deus meus, in te sperávi: saluum me fac ex ómnibus persequéntibus me, et libera me. Allelúia.

**V.** Dóminus vobíscum.

**R.** Et cum spíritu tuo.

Sequéntias sancti Evangélii secundum Lucam.

**I**N illo témpore: Dixit Jesus Pharisæis parábolam hanc: Homo quidam fecit cœnam magnam, et vocávit multos. Et misit servum suum hora cœnæ dicere invitátis ut venírent, quia jam paráta sunt ómnia. Et cœpérunt simul omnes excusáre. Primus dixit ei: Villam emi, et necesse hábeo exíre, et vidére illam: rogo te habe me excusátum. Et alter dixit: Juga boum emi quinque, et eo probáre illa: rogo te habe me excusátum. Et álius dixit: Uxórem duxi, et ídeo non possum veníre. Et revérsus servus nuntiávit hæc dómno suo. Tunc irátus paterfamílias, dixit

servo suo : Exi cito in pláteas et vicos civitátis, et páuperes ac débiles, et cæcos, et claudos întroduc huc. Et ait servus : Dómine, factum est ut imperásti, et adhuc locus est. Et ait Dóminus servo : Exi in vias, et sepes : et compélle intráre, ut impleátur domus mea. Dico autem vobis, quod nemo virórum illórum, qui vocáti sunt, gustábit cœnam meam. **Credo.**

**Offertorium. Ps. 6.** Dómine, convértere, et éripe ánimam meam : salvum me fac propter misericórdiam tuam.

**Secreta.**

**O**BLATIO nos, Dómine, tuo nómini dicánda puríficet, et de die in diem ad cœléstis vitæ transférat acciónem. Per Dóminum nostrum.

**De Octava Corporis Christi.**

**Secreta.**

**E**CCLESIÆ tuæ, quæsumus, Dómine, unitátis et pacis propítius dona concéde : quæ sub ob-

látis munéribus mystice designántur. Per Dóminum nostrum Jesum Christum Fílium tuum, qui tecum vivit et regnat in unitáte Spíritus sancti Deus.

**Præfatio ut supra.**

**Communio. Ps. 12.** Cantábo Dómino, qui bona tribuit mihi : et psallam nómini Dóminialtíssimi.

**Postcommunio.**

**S**UMPTIS munéribus sacris, quæsumus, Dómine, ut cum frequentatióne mystérii, crescat nostræ salutis efféctus. Per Dóminum nostrum. **℟.** Amen.

**De Octava Corporis Christi.**

**Postcommunio.**

**F**AC nos, quæsumus, Dómine, divinitátis tuæ sempitérna fruitiône repléri : quam pretiósí Córporis et Sánguinis tui temporális percéptio præfigúrat. Qui vivis et regnas cum Deo Patre in unitáte Spíritus sancti Deus, per ómnia sæcula sæculórum. **℟.** Amen.

## FERIA SECUNDA.

## In primo Nocturno.

De libro primo Regum.

## Lectio j. Cap. 5.

**P**HILISTHIIM autem tulerunt arcam Dei, et asportaverunt eam a Lápide adjutórii in Azótum. Tulerúntque Philísthiim arcam Dei, et intulerunt eam in templum Dagon, et statuerunt eam juxta Dagon. Cumque surrexissent dilúculo Azótii áltera die, ecce Dagon jacébat pronus in terra ante arcam Dómini : et tulerunt Dagon, et restituérunt eum in locum suum. Rursúmque mane die áltera consurgéntes, invenerunt Dagon jacéntem super fáciem suam in terra coram arca Dómini : caput autem Dagon, et duæ palmæ mánuum ejus abscíssæ erant super limen : porro Dagon solus truncus remánserat in loco suo.

**R.** Immolábit hoedum multitúdo filiórum Israel ad vésperam

Paschæ : \*Et edent carnes, et ázymos panes. **V.** Pascha nostrum immolátus est Christus : itaque epulémur in ázymis sinceritátis et veritátis. Et edent carnes, et ázymos panes.

## Lectio ij.

**A**GGRAVATA est autem manus Dómini super Azótios, et demolítus est eos et ebuliérunt villæ et agri in médio regiónis illius, et nati sunt mures, et facta est confúsió mortis magnæ in civitáte. Vidéntes autem viri Azótii hujuscémodi plagam, dixerunt : Non máneat arca Dei Israël apud nos : quóniam dura est manus ejus super nos, et super Dagon deum nostrum. Et mitténtes congregavérunt omnes sátrapas Philisthinórum ad se, et dixerunt : Quid faciémus de arca Dei Israel ? Responderúntque Gethæi : Circumducátur arca Dei Israel.

**R.** Comedétis carnes, et satu-



rabimini panibus : \* Iste est panis, quem dedit vobis Dominus ad vescendum. *ŷ.* Non Moyses dedit vobis panem de celo, sed Pater meus dat vobis panem de celo verum. Iste est panis, quem dedit vobis Dominus ad vescendum.

*Lectio iij.*

**E**T circumduxerunt arcam Dei Israel. Illis autem circumducentibus eam, fiebat manus Domini per singulas civitates interfectionis magnæ nimis : et percutiebat viros uniuscujusque urbis a parvo usque ad majorem. Miserunt ergo arcam Dei in Accaron. Cumque venisset arca Dei in Accaron, exclamaverunt Accaronitæ, dicentes : Adduxerunt ad nos arcam Dei Israel, ut interficiat nos, et populum nostrum. Miserunt itaque et congregaverunt omnes satrapas Philistinorum, qui dixerunt : Dimittite arcam Dei Israël, et re-

vertatur in locum suum, et non interficiat nos cum populo nostro. Fiebat enim pavor mortis in singulis urbibus, et gravissima valde manus Dei.

*B.* Respexit Elias ad caput suum subcinericium panem : qui surgens comedit et bibit : \* Et ambulavit in fortitudine cibi illius usque ad montem Dei. *ŷ.* Si quis manducaverit ex hoc pane, vivet in æternum. Et ambulavit in fortitudine cibi illius usque ad montem Dei. **G**loria Patri, et Filio, et Spiritui Sancto. Et ambulavit in fortitudine cibi illius usque ad montem Dei.

*In secundo Nocturno.*

De Sermone sancti Joannis Chrysostomi.

*Lectio iv. Ex Hom. 61.*

**U**NICUIQUE fidelium Christus semetipsum per mysteria commiscet, et quos genuit, per semetipsum enutrit, nec alteri tradit :

per hoc tibi rursus persuádens, quod carnem tuam assúmpsit. Ne torpeámus ígitur tanta digni charitáte et honóre putáti. Nonne vidétis quanta promptitúdine párvuli papíllas cápiunt, et quanto ímpetu lábia ubéribus infigunt? Accedámus cum tanta nos quoque alacritáte ad hanc mensam, et ad úbera póculi spiritalis : quinímmo cum longe majóri trahámus, tamquam infántes lacténtes, spíritus grátiam, et unus sit nobis dolor hac esca privári. Non sunt humanæ virtútis ópera, hæc quæ proponúntur : qui tunc ipsa fecit in illa cœna, idem ea nunc quoque facit. Nos ministrórum tenémus locum : qui vero sanctificat ea et immútat, ipse est. Nullus ítaque Judas assistat : nullus avárus ; nam tales mensa non súscipit. Si quis est discípulus, adsit : ait enim : Cum discípulis meis fácio Pascha. Hæc est illa mensa, et mi-

nus nihil habet. Non enim illam quidem Christus, hanc autem homo pérficit ; verum et hanc ipse quoque.

**B.** Cœnantibus illis, accépit Jesus panem, et benedíxit, ac fregit, deditque discípulis suis, et ait : \* Accípíte, et comédite : Hoc est corpus meum. **V.** Dixérunt viri tabernáculi mei : Quis det de cárnibus ejus, ut saturémur? Accípíte, et comédite : Hoc est corpus meum.

### Lectio v.

**I**NHUMANUS accédát nemo, nemo crudélis et immiséricors, nemo prorsus immúndus. Hæc ad communicántes dico, et ad vos, ministrántes. Nam et ad vos sermónem convértere necessárium est, ut multo cum stúdio hæc dona distribuátis. Non parva vobis ímminet últio, si quemquam, illíus culpæ cónscii, hujus mensæ participem esse concedátis : sanguis ejus de mánibus vestris

exquirétur : sive quis dux militiæ sit, sive præfèctus, sive princeps diadémate coronátus, indignè autem accédât, próhibe ; majórem illo potestátem habes. Propterea vos Deus hoc insignívit honóre, ut tália discernátis. Hoc vestra dígnitas est, hoc securitas, hoc omnis coróna ; non ut albam et splendéntem tunicam circumeátis indúti. Verum et tu, láice, cum sacerdotem víderis offeréntem, ne ut sacerdotem esse putes hoc faciéntem, sed Christi manum invisibíliter exténsam.

**R.** Accépit Jesus cálicem, postquam cœnávit, dicens : Hic calix novum testaméntum est in meo sánguine : \* Hoc fácite in meam commemoratióem. **V.** Memoria memor ero, et tabéscet in me ánima mea. Hoc fácite in meam commemoratióem.

**Lectio vj.**

**A**UDIAMUS ígitur et sacerdotes et súbditi, quali esca facti su-

mus digni : audiámus et horreámus. Sanctis cárnibus suis nos dedit impléri, semetípsum appósuit immolátum. Quænam ígitur erit nobis excusátio, cum, tálibus pasti tália peccémus, cum lupi fiámus Agnum comedéntes, cum tamquam oves pasti more leónum diripiámus ? Hoc enim mystérium non a rapína tantum, verum et ab omni vel ténui inimicítia purum esse pénitus jubet : est enim pacis mystérium. Judæis quidem annuátim propriórum monuménta beneficiórum solemnitátes Deus alligávit : tibi vero síngulis diébus per hæc mystéria. Nullus itaque Judas hanc mensam petat, nullus Simon. Hi namque duo propter avarítiam periérunt : hoc ígitur bárathrum fugiámus.

**R.** Ego sum panis vitæ : patres vestri manducavérunt manna in desérto, et mórtui sunt : \* Hic est panis de cœlo descéndens, ut